



Eolas barrthábhachtach maidir le hiontrálacha iarbhunscolaíochta

Ag Cur Iarratais isteach le haghaidh áite in iarbhunscoil

Is garsprioc thábhachtach i saol do pháiste an t-aistriú go hoideachas iarbhunscolaíochta. Beidh an cinneadh ar an scoil le háit a iarraidh inti ar cheann de na cinntí is tábhachtaí a dhéanfaidh tú mar thuismitheoir. Tugann an bhileog seo eolas barrthábhachtach duit ar an phróiseas iontrála iarbhunscolaíochta agus tá sé mar mhéar eolais duit maidir le tuilleadh eolais a fháil.

Cad é mar a chuirim iarratais isteach chuig iarbhunscoil?

Beidh thuismitheoirí/caomhnóirí ábalta anois iarratas a chur isteach chuig iarbhunscoileanna ar líne i mbliana. Ní bheidh bunscoileanna ag cur amach Foirmeacha Aistrithe mar a tharla sna blianta roimhe. Beidh an próiseas le hiarratas a chur isteach ar líne oscailte idir 12 nóin Dé Máirt 1 Feabhra agus 4.00i.n. Dé Céadaoin 23 Feabhra 2022 (amharc ar ár dtreoir mhear ar leathanach 4).

Ráiteas ar Shainriachtanais Oideachais

Tabhair faoi deara le do thoil nár chóir duit an próiseas iarratais ar líne seo a úsáid má tá ráiteas ar shainriachtanais oideachais ag do pháiste mar déanfar socrúithe eile do do pháiste tríd an rannóg Sainriachtanais Oideachais den Údarás Oideachais (ÚO).

Cá mhéad scoil ba chóir dom ainmniú?

Ba chóir duit **ceithre** scoil ar a laghad a ainmniú, ina measc, scoil neamhghramadaí amháin ar a laghad a chuir isteach nó d'fhéadfaí do pháiste gan áit bheith aige/aici i scoil ag deireadh an phróisis. Ag an phointe sin beidh an rogha scoileanna le háiteanna acu go fóill teoranta. D'fhéadfadh sé go mbeadh ort níos mó ná ceithre scoil a liostú dá mbeadh ró-éileamh ar na scoileanna a bheifeá ag ainmniú de ghnáth.

Do bheagnach 50% de na páistí sin nach bhfuair áit ag deireadh an phróisis iontrála in 2020 níor ainmníodh ach rogha amháin nó dhá rogha.

An raibh a fhios agat?

Cloíonn gach iarbhunscoil, bídís gramadach nó neamhghramadach nó nach mbídís, leis an Churaclam chéanna i dTuaisceart Éireann.

Cad é ar ar chóir dom smaoineamh agus mise ag ainmniú na scoileanna?

- Léigh na critéir iontrála do gach scoil ina bhfuil suim agat agus meas ar a fheabhas agus a chomhlíonann do pháiste na critéir seo.
- Smoinigh ar líon na n-iarratas a fuair an scoil sna blianta roimhe agus ar an líon daltaí a ghlac an scoil isteach. Foilsítear é seo leis na critéir iontrála ach cuimhnigh gur féidir le patrúin na n-iarratas athrú.

- Tugann roinnt scoileanna tosaíocht d'iarratasóirí a liostaigh a scoil mar an chéad rogha s'acusan. Beidh deis níos lú ag na hiarratasóirí sin a liostaíonn an scoil mar rogha níos lú áit a fháil ar an scoil.
- Smaoinigh ar cé acu a bheidh cuidiú iompair ar fáil ón ÚO nó nach mbeidh. Is féidir le do roghanna iontrála éifeacht a bheith acu ar cháilitheacht le haghaidh cuidiú iompair. Is féidir leat eolas ar an incháilitheacht le haghaidh cuidiú iompair a fháil ar shuíomh gréasáin an ÚO.

Cad é mar a mheasann na hIarbhunscoileanna iarratais??

Socraíonn Bord Gobharnóirí gach scoil na critéir iontrála a úsáideann sí má bhíonn ró-éileamh uirthi, is é sin, má fhaigheann scoil níos mó iarratas ná an méid áiteanna atá ar fáil aici sa scoil, cuireann sí a critéir iontrála i bhfeidhm ar na hiarratais a fhaigheann sí. Tugtar iarratais na ndaltaí sin nach roghnaítear don dara scoil san ord tosaíochta agus ansin cuirtear an próiseas céanna i bhfeidhm. Déantar é seo arís agus arís eile go dtí go dtugtar áit dá mhéad daltaí agus is féidir.

An ngeallfar áit do mo pháiste ar scoil atá liostaithe agam?

- Ní féidir áit a ghealladh do pháiste ar bith i scoil ar bith.
- Cé go bhfuil go leor áiteanna scoile do gach páiste ar fud Thuaisceart Éireann, beidh ró-éileamh ar bhreis agus leath de na scoileanna mar gheall ar ord tosaíochta an tuismitheora do na scoileanna sin. Beidh ort bheith réadúil faoi na deiseanna go dtabharfar áit do do pháiste i scoil a bhfuil ró-éileamh uirthi.

Cá háit ar féidir liom eolas a fháil ar na scoileanna i mo cheantar?

- Bain úsáid as an nasc 'Search Schools' ar shuíomh gréasáin an ÚO, www.eani.org.uk, le sonraí na scoileanna i do cheantar agus a gcritéir iontrála a aimsiú.
- Sonraí na laethanta/na dtráthnónta/na n-oícheanta fíorúla atá sna critéir iontrála.
- Eolairí scoile, atá ar fáil ón scoil nó óna suíomh gréasáin.

Cad é mar a gheobhaidh mé amach má tugadh áit do mo pháiste?

Is féidir leat logáil isteach san iarratas ar líne le hamharc ar thoradh iarratas do pháiste ar an Satharn 21 Bealtaine 2022. D'fhéadfadh iarbhunscoileanna scríobh chugat le cur in iúl duit go bhfuil áit á tairiscint agus pacáiste fáilte a chur chugat.

Muna bhfuil áit ag do pháiste go fóill, scríobhfaidh an tÚO chugat ar an dáta chéanna agus iarrfar ort scoileanna breise a ainmniú in ord tosaíochta ó liosta scoileanna a mbeidh áit ar fáil acu go fóill.

Cá háit ar féidir liom tuilleadh eolais a fháil?

- Cuirfidh Príomhoide do Bhunscoile cumarsáid ar bith ón ÚO nó ón Roinn Oideachais ar an phróiseas iontrála in iúl duit.
- D'fhéadfá treoir agus comhairle a fháil ó Phríomhoide Bunscoile do pháiste.
- Socraíonn bunscoileanna agallaimh indibhidiúla le tuismitheoirí chun eolas agus comhairle a thabhairt dóibh de ghnáth. Ní bheidh na scoileanna ábalta bualadh leat aghaidh ar aghaidh i mbliana, mar sin de, d'fhéadfadh siad socruithe eile a dhéanamh, dá mb'fhéidir leo.
- Is féidir le hIarbhunscoileanna eolas a thabhairt ar a gcritéir iontrála.
- Tá eolas níos mine sa rannán de shuíomh gréasáin an ÚO a bhaineann le hIontrálacha ag eani.org.uk/admissions

Is féidir leat teagmháil a dhéanamh leis an Oifig Iontrála Iarbhunscolaíochta trí scairt ghutháin a chur ar **028 9598 5595** nó ríomhphost a chur chuig **postprimaryadmissions@eani.org.uk**

Sula dtosaíonn tú

- Cuardaigh na scoileanna i do cheantar ag úsáid an táib 'Search Schools' ar shuíomh gréasáin an ÚO.
- Léigh na critéir iontrála do gach scoil ba mhian leat ainmniú – nótáil an dóigh a gcomhlíonann do pháiste na critéir agus na cáipéisí tacaíochta a bheidh de dhíth m.sh. cruthúnas seolta
- Bíodh do cháipéisí réidh agat le huaslódáil – **ní mór** teastas breithe a uaslódáil do gach páiste. Muna bhfuil teastas breithe ar fáil ba chóir duit cáipéisíocht eile a sholáthar m.sh. cárta aitheantais, cárta nó pas bithmhéadrach.

Ag críochnú an phróisis iarratais ar líne

Baineann an scoil úsáid as an eolas a thugann tú ar an iarratas ar líne, agus í ag déanamh cinntí ar na páistí a gheobhaidh tairiscint le haghaidh áite agus na páistí nach bhfaighidh. Tá sé tábhachtach go dtugann tú an t-eolas iomlán agus cruinn. D'fhéadfadh scoileanna eolas a fhíorú m.sh. seoladh le cinntiú nach bhfaightear áit bunaithe ar eolas bréige a tugadh. Ní mór an t-eolas fíoraithe seo a uaslódáil mar chuid den iarratas ar líne má iarrtar é seo i gcritéir iontrála cheann ar bith de na scoileanna a liostaigh tú mar do roghanna.

Beidh ort clárú ar an chóras ar líne tríd na treoracha ar an scáileán a leanstan. Ba chóir duit cinntiú go mbeidh rochtain níos fusa agat ar na cáipéisí uilig a bheidh de dhíth ort le huaslódáil chomh maith sula dtosódh tú d'iarratas.

Sonraí do Pháiste

Tabhair eolas faoi do pháiste. Cuir isteach sloinne agus gach céadainm do pháiste mar atá taifeadta ar an teastas breithe. Tabhair an seoladh ina gcónaíonn do pháiste faoi láthair, is é sin, gnátháit chónaithe do pháiste chan gnátháit chónaithe fheighlí páiste, ghaol eile nó seoladh gnó. Má athraíonn do pháiste a seoladh i rith an phróisis iarratais cuir in iúl don ÚO trí ríomhphost a chur chuig **postprimaryadmissions@eani.org.uk**

Roghanna Scoileanna

Roghnaigh do scoileanna agus cuir in iúl go soiléir má fhreastaíonn siblín ar cheann de na scoileanna a roghnaigh tú cheana féin. Liostaigh ainmneacha na siblíní uilig atá ag freastal ar an scoil cheana féin. Más é do pháiste an páiste is sine sa teaghlach/nó más páiste aonair é/í, ba chóir duit tic a chur sa bhosca cuí. Is féidir cúpla nó ilbhreitheanna a liostú mar na páistí is comhshine más cuí é ach caithfidh na scoileanna le gach páiste ar bhonn indibhidiúil agus na hiarratais á meas acu. Déan seiceáil le do thoil má thugann na scoileanna sainmhíniú ar leith ar an pháiste is sine ina gcritéir iontrála agus tabhair eolas ar bith a d'fhéadfadh bheith ábhartha m.sh. má fhreastalaíonn do pháiste is sine ar scoil speisialta agus más é an dara páiste is sine an páiste dá bhfuil tú ag cur iarratais isteach. D'fhéadfadh an gasúr nó an cailín is sine sa teaghlach bheith ábhartha maidir le hiarratais chuig scoileanna aon ghnéis.

D'fhéadfaí tosaíocht a thabhairt do pháistí atá i dteideal béilí scoile saora ó thaobh iontrála i roinnt scoileanna de. Cuir tic sa bhosca má tá do pháiste cláraithe leis an ÚO mar i dteideal béilí scoile saora. Má bhíonn do pháiste cláraithe mar i dteideal béilí scoile saora i ndiaidh an dáta deiridh faoinar chuir tú d'iarratas isteach, cuir in iúl don ÚO trí ríomhphost a chur chuig **postprimaryadmissions@eani.org.uk roimh 4i.n. Dé Céadaoin 9 Márta 2022.**

Tuilleadh Eolais

Cuir isteach eolas ar bith atá ábhartha chun cur ar chumas gach scoil atá liostaithe in ord tosaíochta a critéir iontrála a chur i bhfeidhm.

Tá sé an-tábhachtach go dtugann tú an t-eolas uilig dúinn atá ábhartha mar muna gcuireann tú an t-eolas ar an fhoirm faoin dóigh a gcomhlíonann do pháiste critéar ar leith, ní féidir leis an scoil do pháiste a mheas de réir an chritéir seo. Le cinneadh a dhéanamh ar an sórt eolais a d'fhéadfá cur isteach ar an fhoirm, ba chóir duit critéir iontrála na scoileanna sin chuig a bhfuil tú ag cur iarratais a léamh. Má tá ceist ar bith agat faoin eolas atá á iarraidh ba chóir duit teagmháil dhíreach a dhéanamh leis an iarbhunscoil le soiléiriú a fháil ar an cheist sin. Ba chóir duit cáipeis tacaíochta ar bith, a bheidh de dhíth ar na scoileanna, a uaslódáil ar an iarratas ar líne.

Cúinsí Speisialta agus Soláthairtí Speisialta

D'fhéadfadh scoileanna a úsáideann scrúduithe iontrála fadhbanna leighis nó eile a mheas a bhféadfadh éifeacht a bheith acu ar an dóigh ar éirigh leis an pháiste sa scrúdú/sna scrúduithe. Tugtar cúinsí speisialta orthu seo. Má tá tú ag éileamh cúinsí speisialta ba chóir duit na riachtanais atá leagtha amach i gcritéir iontrála gach scoil ar leith a léamh go hiontach cúramach agus an t-eolas uilig a bheidh de dhíth a uaslódáil ar d'fhoirm iarratais ar líne. Déanann soláthairtí speisialta tagairt go príomha do dhaltáí ag aistriú ó scoileanna taobh amuigh de Thuaisceart Éireann nó do dhaltáí a fuair níba mhó ná leathchuid dá n-oideachas bunscoile taobh amuigh de TÉ. San áireamh sna Soláthairtí Speisialta d'fhéadfadh cásanna a bheith ann mar nach raibh páiste ábalta scrúdú iontrála ar bith a dhéanamh. Ba chóir do thuismitheoirí teagmháil dhíreach a dhéanamh le hiarbhunscoileanna indibhidiúla ar eagla go mbeadh ceisteanna acu maidir le cúinsí speisialta nó le soláthairtí speisialta.

Treoir mhear maidir le d'iarratas iarbhunscolaíochta a líonadh isteach.

Beidh an próiseas iarratais ar líne oscailte idir 12 nóin Dé Máirt 1 Feabhra 2022 agus 4.00i.n. Dé Céadaoin 23 Feabhra 2022. Tabhair faoi deara le do thoil nach mbeidh sé seo bunaithe ar gach duine ar a sheal féin agus nach mbeidh na hiarbhunscoileanna ag déanamh cinntí ar na páistí a roghnóidh siad le glacadh isteach ach i ndiaidh an dáta deiridh a nglacfar le hiarratais.



Tabhair cuairt ar eani.org.uk/admissions

Moltar duit na critéir iontrála a léamh agus is féidir leat treoir a aimsiú ar an dóigh le hiarratas a chur isteach ar an suíomh gréasáin sula dtosaíonn tú d'iarratas.

Na céimeanna le glacadh agus tusa ag cur iarratais isteach

- Cliceáil ar EA Post-Primary Application agus Register
- Cliceáil ar na nasc a cuireadh sa ríomhphost chugat le do chuntas a fhíorú
- Logáil isteach agus dearbhaigh an ráiteas um chosaint sonraí
- Cliceáil ar 'Add Child' agus cuir isteach sonraí do pháiste agus sábháil
- Cliceáil ar 'Start Application'
- Cuir isteach an bhunscoil ar a bhfreastalaíonn do pháiste faoi láthair.
- Cuir do roghanna iarbhunscoile isteach agus cuir isteach an t-eolas uilig atá ábhartha a bhaineann le critéir gach scoil. (Molann muid go liostaíonn tú ceithre scoil ar a laghad, scoil neamhghramadaí amháin ar a laghad san áireamh).
- Cuir tic sna boscaí leis na ceisteanna a fhreagairt, más bainteach iad
- Cuir tuilleadh eolais ar bith eile isteach atá ábhartha do gach scoil atá roghnaithe agat
- Uaslódáil teastas breithe do pháiste agus cáipéis tacaíochta ar bith eile a iarrtar ort i gcritéir cheann ar bith de na scoileanna a roghnaigh tú

- Seiceáil na sonraí uilig ar an Achoimre Iarratais. (Is féidir leat cliceáil ar 'Edit' agus athrú ar bith a dhéanamh ag an phointe seo)
- Cliceáil ar 'Continue' agus deimhnigh go bhfuil na Téarmaí agus na Coinníollacha léite agat agus cliceáil ar 'Submit'.
- Cuirfear ríomhphost chugat a thabharfaidh le fios duit gur cuireadh d'iarratas isteach. I ndiaidh duit an t-iarratas a chur isteach is féidir leat logáil isteach le hamharc ar nó le hiarratas do pháiste a chur in eagar suas go dtí **4.00i.n. Dé Céadaoin 23 Feabhra 2022.**

Má tá tuilleadh cuidithe de dhíth ort is féidir leat teagmháil a dhéanamh lenár nDeasc Cabhrach Iontrálacha

Guthán: 028 9598 5595 nó Seoladh ríomhphoist:

postprimaryadmissions@eani.org.uk